

第五冊

卷之七

官師

封爵
武職

直隸秦州新志

直隸秦州新志卷之七上

官師

封爵附前

武職附後

武功秦安兩志其志官師也卽具其行事美惡並存褒譏明著不以貶損當世爲嫌志通於史其在此乎後之爲志者官師以外別立名宦之篇取其善者而他皆闕焉於官師則臚列世代名字如所謂題名記而已矣無南董不隱之文比子孫稱美之義是豈前人作志之本指哉今爲新志本求簡括便宜力復古體省併名宦篇目顧自漢迄元志

所存大抵史所存也非賢卽奸也其餘碌碌史弗
載志亦無聞焉明朝官斯土者名具列志中不可
滅也郡縣吏非循非酷史書罔記名不可滅而行
事竟何從考列耶 國初諸公事跡百年以來遺
老盡矣傳聞殊異亦復寥落不完謬悠難據卽更
無奈何矣將遂詳古而略今詳於異代而略於

本朝體裁乖反奚以示後哉故一從近例具列姓名
但取舊志之顛倒紛錯者稍加整釐志官師第七
而名宦仍別爲卷其以封爵附前武職附後亦沿

舊志例也紙墨頗多仍分上下卷云

封爵

周

秦非子

孝王封爲附庸邑之秦

秦實侯

立十年

公伯

立三年

大夫秦仲

立二十三年

西垂大夫秦莊公

立四十四年

秦襄公

將兵救周遂遷於岐豐列於諸侯

省志封爵篇又載晉秦獻王司馬柬至元隴王火
郎撒凡九人考晉書泰始元年封諸王王不之國
官於京師自此沿至唐宋隴西天水上邽略陽郡
王郡公之屬不可勝舉皆係虛名非有君國子民
之實也元諸王雖實出鎮然如安西王鎮長安鎮
南王鎮揚州之類諸王表皆明注之今火郎撒但
云賜金印而已其非實出鎮可知故皆不載又舊
州志兵戎篇載至元九年封皇子忙哥剌爲西安
王鎮秦隴考本紀封西安王之下云以京兆爲分

地諸王表亦云出鎮長安未嘗云秦隴也而諸王
表秦王下注云至元十年詔安西王忙哥剌益封
秦王其府在長安者爲安西在六盤者爲開成皆
與今秦州無涉故於兵戎篇亦削之

官師

秦隴西郡守丞各一人尉二人所領縣有令有長有

相

縣制漢
多仿之

漢護羌校尉

不專
秦州

涼州刺史天水太守隴西太守又

有都尉司馬長史諸官

東漢涼州刺史漢陽太守

初仍天水太守明帝後改

隴西太守亦

有長史等官邊縣置尉有天水蘭干尉

安帝中隴西徙治襄武獻

帝時涼州

復改雍州

晉秦州刺史天水太守略陽太守武都太守

舉武都者河池

故道兩縣屬之故也又後秦有秦州護羌校尉

元魏秦州刺史天水略陽漢陽武都四郡守

漢陽黃瓜縣武

都石門縣皆今禮縣地

後周置秦州總管有長史司馬等官

隋置秦州總管秦州刺史所屬有長史司馬錄事參

軍等官置天水漢陽河池三郡太守又置隴右牧總
監副監監丞官

唐秦州天水郡都督府屬隴右採訪使鳳州河池郡
屬山南西道採訪使開元五年置隴右節度兼隴右

道經略大使領秦河等十二州十五年隴右節度副

使兼關西兵馬使

以上不專秦州

至德元載天水郡太守兼

防禦守捉使及大震關使大中三年升秦州防禦守

捉使爲秦成兩州經略天雄軍使秦州爲中州置刺

史所屬叅軍錄事司功司倉司戶司田司兵司法司

士叅軍等官鳳州爲下州置刺史置別駕所屬司馬
錄事叅軍司倉司戶司田司法叅軍等官諸縣成紀
上邽爲上縣置令丞主簿各一尉二長道梁泉兩當
河池爲中下縣隴城清水爲下縣尉各一

令丞主簿
品遞降

宋有秦鳳路經略安撫轉運諸使

不專
秦州

雄武軍節度

使秦州防禦使秦鳳路副都總管兼知秦州亦兼經
略安撫使又有鎮秦州帥秦州判秦州秦州節度秦
州觀察秦州刺史秦州團練秦州鈐轄秦州巡檢最
紛不一開禧中因天水縣當金人西入路乃升爲軍

有知天水軍守天水軍天水軍教授等官幕職有節
度判官觀察判官軍事推官之屬其鳳州河池郡降
舊防禦使爲團練使其諸縣河池爲緊

宋制諸縣除赤畿外有望

緊上中下五等

成紀天水梁泉兩當爲上隴城清水爲中各

置縣令簿尉官而河池有水銀務兩當有銀冶監則
置丞至三陽弓門等砦各設砦官或名砦主亦有砦
巡檢官

金秦州防禦使屬總管府後升爲鎮遠軍置節度使
兼本州管內觀察使其三陽務弓等砦靜戎床穰等

鎮亦置知鎮知砦官

元秦州爲中州置達魯花赤一知州一

上州號州尹

同知

判官各一叅佐官吏目提控案牘各一武職又有秦

州萬戶徽州爲下州

視中州官同而品降

叅佐官止吏目一其

諸縣成紀清水爲中縣置達魯花赤一縣尹一簿尉

各一

上縣有丞

典史二秦安兩當爲下置官如中縣又巡

檢司一

按此已大
同明朝制

禮店元帥府達魯花赤一元帥一

同知一經歷知事各一鎮撫二又有禮店千戶所土

千戶所各置達魯花赤千戶百戶等官

明分巡隴右道一轄鞏昌府十七州縣而駐秦州秦

州知州一同知通判各一其屬吏目一儒學官學正

一訓導三衛所官指揮十八千戶十鎮撫一百戶三

十六

由來所傳名數明史無徵省志

如此於

徽州知州一通判吏目

學正訓導如秦州無同知其諸縣知縣一所屬典史

一儒學官教諭一訓導二又秦州有高橋巡檢司徽

州虞關巡檢秦安隴城巡檢清水盤嶺巡檢禮縣漩

水板橋二巡檢

諸巡秦州

檢司皆据明史省志不言

又徽

州兩當縣各驛丞一

省志

又禮縣初爲禮店千戶所

置正千戶二副千戶四百戶七鎮撫二

舊秦州志云省志止千戶

一百戶三
與此不合

本朝多仍明制大裁冗員於秦州裁隴右道裁州同知

儒學裁訓導二止畱其一於各縣裁教諭各畱訓導

一盡裁諸巡檢止畱秦安隴城一徽縣兩當驛丞亦

裁雍正中降徽州爲縣裁州判改知州爲知縣吏目

爲典史儒學學正爲教諭訓導亦止畱一後復裁其

武職則盡裁諸衛所官置秦州城守遊擊一所屬千

總一把總二外委千把總各一分防各縣焉

舊志併及僧道

等官諸官雖未列史所不敢遺也而況志乎今其遠者名旣無徵近又弗備止載一二不如闕焉其胥役人數舊志附職官之後者亦復從略

秦

左庶長

白起

秦昭王時鎮西
羌築弓門砦

漢

隴西將軍

周竈

孝文十
四年

隴西都尉

酈商

袁盎

清水縣志先有靳歙按歙用兵此地非專官也

故不列

天水都尉

張放

涼州刺史

貢禹

谷永

杜鄴

隴西太守

公孫昆邪

公孫賀

即昆邪子

李廣

馮野王

馮遂

何並

天水太守

樓護

陳立

原

涉

王莽
官附

天水司馬

馮譚

田廣明

成紀令

李尚

李育

王莽官隗囂
起兵殺之

清水長

公孫述

東漢

隴右護羌校尉

牛邯

狄道人初爲隗囂領軍後歸漢

溫序

傅育

龐參

馬賢

韓皓

馬續

張貢

第五訪

段熲

冷徵

胡閼

趙冲

護羌校尉尙有多人載則俱載詳後補遺

護羌從事

馬元

涼州刺史